

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Von der Christförmigen, rechtgegründte[n] leer Doctoris  
Martini Luthers, ein überuß schön kunstlich Lyed**

**Stifel, Michael**

**[Straßburg], [1525]**

**VD16 S 9021**

Got allein die eer. Das furnemen und die end.

**urn:nbn:de:bsz:31-59275**

Got allein die eer.

**D**as fürnemen vñnd die end  
meynüg dieses büchlin ist / ein ynsürüg des ein-  
feltigen mēschens / in die leer des christlichen engelischen  
Martini Luthers / vñ wie das sein schreibē on mittel hār  
flyeß vß dē grund des heyligen Euāgelij / Pauli / vñd an-  
derer gottes gesandte. Insen glich gesetzt vff den spruch  
Joānis in dē büch der heymlichen offenbarüg am. viij.  
Ich hab gesehen einen anderē engel flyegē durch die mit-  
te des himels / vñd der hatt das ewig Euāgelij / das solt  
er leeren die do sitzen vff dē erdrich / vñ ober allen heydē /  
vñd geschlechtē vñd zungen vñ volck. Vñ er sprach mitt  
grosser stim. Fürchtent den herr ē / vñ gebēt jm eer. dan es  
küpft die stüd seines gerichtis. Vñ bettet dē an / d̄ gemacht  
hat dē himel vñ die erd / dz mōr vñ die brōnen d̄ wasser.  
Vff dz aber d̄ gemeyn Christē mēsch / jm deslychlicher  
inbilde disen den worē christlichē weg vñ glauben / hab  
ich mein fürgenōmē Büchlin in gesetzt reymē Lyedlin  
weiß bezwügē / vñ ir yegkliches vßleg darnebē beschribē.

## Das erst reyl von dem Luther

selbs / vñd noch gonds von seiner leer vñ schreibē.

Das Lyed

**I**annes thüt vns schreiben  
von einem Engel klar /  
Der Gottes wort sol treiben  
gantz luter offenbar.

Dü vns thüt sich das scheiben /  
es fällt nit vmb ein hor.

Daruff will ich beleiben /  
das sag ich eüch fürwor.

Die vßlegung.

**D**iese wort Got-  
tes / oder dieses ewig  
Euāgelij / das diß  
er engel soll treibē /  
ist kein anders wen  
eben das / weliches  
Christus vnser herr  
selber geleet hat.

a. iij.